



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

III. Per quasnam operationes intellectus aut voluntatis procedant personæ
diuinæ.

[urn:nbn:de:hbz:466:1-72856](#)

Secundò cum adiuncta relatione productionis: priori modo sunt actus communes, & inter se non nisi ratione distincti; posteriori sunt notionales, & proprij personarum, atque etiam (si relatiè oppositi sint) inter se realiter distincti, vt pluribus dicetur dub. 3. & 4.

Objicetur quartò, omnes alias naturas esse fœcundas proximè ipsa sua substantia; non autem per intellectum aut voluntatem; vt quæ non sunt potentia productiva alicuius alterius termini saltem realiter distincti, vt ex Philosopho 9. metaph. dictum.

Respondetur, nullam naturam creatam in actu secundo immediatè seipso esse fœcundam; sed vel nullo modo esse fœcundam, vt in natura spirituali Angelica accidit; aut solum esse fœcundam ad producendam aliam, adiuncta & mediante potentia generativa; quæ quidem ut in rebus corporalibus materialis, & ab intellectu & voluntate necessariò diversa est, ob imperfectionem horum agentium; ita in natura diuina non potest ab intellectu libus potentij, seu actibus intelligendi & amandi, vlo modo esse distincta. Quod autem in rebus creatis intelligendo aut volendo nulla alia substantia producitur, ob imperfectionem itidem eorumdem agentium accidit, satis interim est, & intelligendo produci verbum; & volendo seu amando amorem; quæ in diuinis non possunt esse nisi substantia, & ipse Deus; et si quidem Aristoteles hoc mysterium minime agnouit, de rebus creatis solum locutus.

D V B I V M III.

Per quasnam operationes intellectus & voluntatis procedant personæ diuinae.

S. Thomas 1. p. q. 27. a. 1. & seqq.

E Tiam si personæ procedant per intellectum & voluntarem; non tamen constat inter Doctores, per quos actus intellectus & voluntatis formaliter procedant: an per actus intelligendi & amandi formaliter; an per actus ab intellectione & volitione distinctos. Et ratio difficultatis colligitur ex praecedenti dubbio, que in hoc consitit. Nam si pater intelligendo generat filium, & Pater simul cum filio amando spirat seu producunt Spiritum sanctum: Ergo omnes personæ in diuinis generant & spirant; quia intelligere & amare commune est omnibus personis.

Ad præsentis ergo difficultatis explicationem, sunt de proposita dubitatione quatuor sententie; è quibus duas priores, velut fallæ & improbabiles, sunt à nobis refutandæ; tercia bono sensu expoundenda: quarta autem sigillatim & distinctè proponenda ac probanda. Prima sententia est Henrici quodlib. 6. quest. 1. & in summa artic. 54. vbi docet, filium & Spiritum sanctum intelligendo quidem & amando produci, sed non qualibet dilectione vel intellectione; sed speciali quadam, quam *notionalem* vocat; & dicit, esse operationem singulari modo perfectam, intellectus quidem, quasi reflexam, & certo

modo intensam; voluntatis autem, admodum feruentem: cum essentialis & communis dilectio non sint ita perfectæ: Quam distinctionem vult etiam in creatâ notitia & dilectione locum habere, respectu verbi, sive termini per eas producendi.

Sed hæc sententia distinguens hoc modo duplex intelligere in Deo, tanquam falsa & improbabilis iure ab omnibus refellitur. Est enim distinctio ficta, & contra veritatem ac perfectionem diuinae sententiae. Tum quia iuxta communem & veram Philosophiam, nullum est intelligere etiam in nobis adeo imperfectum, quo non producatur proportionatum verbum: cum hoc sit terminus intrinsecus actionis intelligendi; nec vero vlo sit intelligere sine actione intelligendi. Tum quia absurdum est, Deo tribuere intelligere quoddam imperfectum, etiam sola ratione distinctum à perfectissimo; multò autem absurdius dictu, intelligere essentialie, adeoque commune omnibus personis, esse intelligere quoddam minus perfectum: cum omnia attributa essentialia Dei necessariò sint in suo genere infinitè perfecta. Quare quicquid perfectionis notionali illi intelligere tribuatur, sive explicetur per modum reflexionis, sive intensionis, & seruoris, non potest communis & absolute intellectioni ac dilectioni negari.

Secunda igitur sententia est Scotti in 1. distinct. 2. quæst. 7. & d. 2. 3. quæst. 1. & 2. & quodlib. 2. vbi referens & refellens Henrici sententiam, alio modo actiones intellectus ac voluntatis in Deo distinguit. Nam in memoria seu intellectu paterno constituit duas quasi actiones, easque inter se minimè subordinatas, vnam vocat intelligere, alteram dicens: ait que illam esse communem omnibus personis, sed minimè producitu verbi; hanc vero propriam patris, & producitu verbi, seu potius ipsam verbi productionem. Quæ doctrina fundamentum habere posset in eorum sententia, qui dicunt, actum intelligendi, & verbum in nobis, esse duas qualitates realiter distinctas; quod quidem docere Cajetanum, Ferrariensem, & alios plures Thomistis refert Suarez lib. 1. cap. 6. & de Thomisitis aliquibus satetur Torres quæst. 27. artic. 1. disput. 4. part. 1. Hienim consequenter fateri debent, eas per duas actiones realiter item distinctas produci; ita vt dicere sit producio verbi, intelligere autem, vestitatio, sit producio actus intelligendi. Quæ doctrina proinde seruata proportione, etiam diuinis accommodari posset, iuxta prædictam Scottisententiam.

Sed quia eiusmodi doctrina, & per se ac re ipsa, vt ex Philosophia suppono, & in sententia Scotti falsa est, rectè ex communis sententia docentis, verbum mentis nostræ non esse rem distinctam ab actu intelligendi, vt est qualitas in facto esse; ideo Scottisententia non potest hoc modo explicari & defendi. Accedit, quod Scriptura & Patres satis aperte indicant, non solum Verbum intellectu, Spiritum sanctum voluntate, sed hunc quoque amando, illum intelligendo formaliter produci, vt videre est locis citatis dubio praecedenti. Denique vt in nobis verbum mentis non producitur nisi intelligendo, ita verbum etiam diuinum, si verè ac propriè verbum est, vt sane est, necesse est intelligendo produci. Non ergo

ergo dicere & intelligere sunt duas actiones distinctas, & inter se non subordinatae, ut existimat Scotus; cuius proinde sententiam merito rejecunt & pluribus refellunt Caetanus hic q. 27. art. 5. Torres ibidem art. 1. disp. 4. Suarez lib. 1. cap. 6. & Valquez disp. 112. cap. 2. & 3.

6 Tertia sententia distinguit itidem (ut prima sententia) ratione saltem duplex intelligere in Deo, notionale scilicet, & essentialis; hoc comune, illud proprium patris dicunt, quo producitur filius. Idem secundum proportionem tradunt de actu voluntatis, quod est velle seu amare. Refert & refellit hanc sententiam Aureolus in 1. dist. 32. quest. 1. artic. 3. ubi eam tribuit S. Thomas, eo quod quæst. 37. art. 1. dixerit, amorem in Deo & essentialiter, & notionaliter, seu personaliter. Eadem sententiam Thomistis in genere tribuit Torres quest. 27. artic. 5. quam etiam ibidem absolute & prolixè rejicit & impugnat.

7 Ceterum quamvis haec sententia bono sensu explicari & defendi potest, ut inferius dicemus, & recte notauit Valquez d. 112. num. 10. in hoc reprehendens Torrem, quod absoluere eam ut falsam recenerit, tamen non omnino satis facit & probatur, præcipue in modo loquendi. Tum quia in rigore non recte dicitur duplex intelligere esse in Deo, ut dicemus. Tum quia non satis explicat, quæ ratione in seipsis illæ duas intellæctiones differant, quarum unius tribuitur productio filij, seu dictio Verbi, non alteri.

Vnde Vasquez eam sententiam quasi explicans ait, intellæctionem à dictione, seu productione verbis differre, ut inclusum ab includente. Hanc enim, præter ipsum intelligere, includere quoque relationem productionis ad verbum, velut terminum productum: quod etiam docet, & fatus declarat Gregorius de Valentia q. 1. punct. 3. & serè consentit. Molina q. 27. art. 5. disp. 2. Sed nec istud per omnia satis facit, quia nisi aliunde etiam assignetur discrimen, ex parte ipsius intelligere, & intelligentis, qualis manet, cur in patre solum habeat relationem, producentis annexam, & non in ceteris personis, cum alioqui posito eodem fundamento ad æquato, sequi soleat eadem relatio.

8 Est igitur quarta & vera sententia, quæ quinque his pronunciatis continetur. I. Intelligere, & dicere, seu producere verbum in Deo, saltem aliquo modo ratione distinguiri: quod omnes fateri debent; quia intelligere re ipsa verè ac propriè commune est omnibus personis; non dicere seu producere verbum. Idem dicendum est de amore & spirare.

II. Abstrahendo à diuersitate obiectorum, proprie loquendo, & considerando rationem ipsius intellæctionis, unum tantum esse intelligere ad æquatum in Deo, non modo re ipsa, sed etiam iuxta nostrum concipiendi modum; quia una natura intellecutus, & unus intellæctus; & una denique solum cuiusque attributi diuini ad æquata ratio est.

III. Esse tamen diuersum modum habendi unum & idem simplicissimum intelligere, in personis diuinis; quia pater illud habet ex se, & sine productione; in quo proinde est ante omnem productionem: filius habet per communicationem à patre, adeoque ratione quasi posterius ipsa filij produ-

ctione; cum ei sit communicatum per productionem, quia ipse est. Quod proinde pronunciatum ex ipsius terminis patet.

9 IV. Hanc ipsam rationem discriminis satis esse, ut Pater intelligendo generet, non filius, aut Spiritus sanctus; siue intelligere in patre sit ipsa producere Verbi, siue solum principium Quod producendi verbum, iuxta ea quæ dicentur dubio sequentur. quia licet intelligere in omnibus personis unum & idem sit, requirit tamen ex parte quasi subiecti, seu personæ, conditionem, ut formaliter sit dictio, seu ut per eam notitiam quipiam producatur ad intrâ; nimisrum, ut quatenus est in tali persona, non iam aliunde per eam sit productum, quicquid ad intra per eam produci potest. Si enim per eam, secundum rationem & originem, iam antea productum supponatur, quicquid per eam produci potest, nihil restat, quod à persona filii, cui ratione posteriorius, quam in patre sit communicatur, per eam amplius producatur: cum produci nihil possit, quod iam antea supponitur productum. Hinc igitur pater producere filium, per illud ipsum intelligere, quod commune est omnibus personis, quatenus illud à se habet, & non per generationem, aut alias productionem. Ob hoc ipsum enim pater illud alteri potest communicare, ex virtute quiderem & fecunditate ipsiusmet actus intelligendi: filius autem per illud nihil producere amplius potest, quia iam supponitur productum quicquid per illud produci potest.

10 V. Postremum pronuntiatum est. Intelligere & dicere, differre ut inclusum & includens; quia dicere includit ipsum intelligere; sed præterea quoque non solum dicit relationem ad verbum, velut producentis ad terminum productum; sed etiam ex parte quasi subiecti includit seu depositis conditionem; nimisrum esse in tali persona, ante productionem per talem actum factam, ut explicauimus. Quæ omnia seruata proportione ad voluntatem quoque seu amorem respectu productionis Spiritus sancti applicari possunt ac debent.

Eodemque modo concedi potest, esse duplex intelligere in Deo, non quidem secundum ipsam rationem intelligendi, ut dictum; sed quia accipi potest aut absolute & secundum se; aut prout simul involut actionem & relationem dicendi seu producendi verbum, cum debita conditione, &c.

11 Atque hanc doctrinam planè tradet videret S. Thomas quæst. 34. artic. 2. ad 4. ubi rationem reddit, cur Filius intelligendo non producat verbum, quia filius, inquit, est Deus genitus, non autem generans Deus: unde est quidem intelligens, non ut producens verbum, sed ut verbum procedens. Et quæst. 37. artic. 1. ad 4. sicut Filius, inquit, licet intelligat, non tamen sibi competit producere verbum, quia intelligere conuenit ei, ut verbo procedenti: Ita licet Spiritus sanctus amet, essentialiter accipiendo, non tamen conuenit ei, quod sparet amorem; quod est diligere notionaliter sumptum, quia sic diligit essentialiter, ut amor procedens, non ut a quo procedat amor. Et rursus quæst. 42. artic. 6. ad 3. cum obiectum fuisset, filium non posse generare, ac proinde non habere eandem potentiam, quam habet Pater; nec adeo æqualem esse patris secundum potentiam; respondet S. Thomas his

verbis:

verbis: *Sicut eadem essentia, qua in patre est paternitas, in filio est filiatio; ita eadem est potentia, qua Pater generat, & qua filius generatur. Unde manifestum est, quod quicquid potest pater, potest filius; non tamen sequitur, quod potest generare; sed mutatus quid in ad aliquid. Nam generatio significat relationem in diuinis. Habet ergo filius eandem potentiam quam pater, sed cum alia relatione. Quia pater eam habet ut datus; & hoc significatur cum dicuntur, quod potest generare: *Filius autem habet eam, ut accipiens;* & hoc significatur cum dicitur, quod potest generari. Quibus verbis S. Thomas tria ad institutum docet; 1. potentiam, quia filius generatur, eandem esse in patre & filio. 2. filium tamen non posse generare. 3. rationem huius rei esse, quia filius habet eandem potentiam quam pater; sed cum alia relatione; nimirum ut accipiens; pater vero ut datus: atque ideo partem pollegendam, non filium: quod est dicere, essentiam hoc solo, quod est in patre absque generatione; hoc est, non per generationem ei & communicata, esse, posse virtutem quicunque expediat ad generandum; quia eo ipso quod in illa persona est ratione prius, quam sit facta generatio, intelligitur in ipso posse esse fecunda, & non in alijs personis, ut est in ipsis: quod pari ratione etiam de intellectu & voluntate, seu intellectione & volitione dicendum, ut ex ipso S. Thomas dicitur.*

Huc spectat, quod S. Thomas quæst. 27. art. 5. dicit, *actiones immateriales in natura intellectuali, & diuina, non esse nisi duas, scilicet intelligere & volle. Et quæst. 41. art. 6. ait, Deum omnia intelligere & velle uno & simplici actu. Et quæst. 37. art. 1. & 2. ad 1. docet, intelligere, & esse sapientem, vel intelligentem, tantum dicti de Deo essentialiter. Non ergo iuxta S. Thomam est duplex intelligere in Deo, propriè loquendo, essentiale & notionale; sed unum quod tamen in patre simul est dicere; in filio & Spiritu sancto non est nisi intelligere, ob dictam cautam.*

Eadem sententiam tradit Aureolus in 1. distinct. 10 quæst. 1. art. 1. ubi dicit, *posse generare, esse habere diuinam essentiam per medium datus, posse vero generari, esse habere eam per medium accipiens;* ut dixerat S. Thomas. Et distinct. 32. quæst. 1. art. 3. ex instituto probat, non posse ponи duas amores, aut duas sapientias seu notitias in diuinis, quarum una sit essentialis, altera notionalis. Eodem modo non esse duos actus intelligendi & amandi ratione distinctos, secundum proprias rationes talium actuum, sentiunt etiam Capreolus in 1.d, 32. q. 1 a. 1. Caietanus hic q. 37. a. 1. & 2. Torres q. 27. art. 5. part. 3. qui inter alias responsiones etiam ad hunc modum propositam difficultatem dissolutum. Ex instituto vero & particulariter ita rem totam explicavit Suarez lib. 1. cap. 7. a. num. 5. Ex quibus etiam pater responsio ad rationem dubitandi initio propositam, qua Scotus in alieham se induci passus est.

Obijicitur tamen præterea primo ex S. Thoma q. 37. art. 1. ubi dixit, *Amorem in Deo dicit essentialiter & notionaliter, seu personaliter; sentitur ergo duplē in Deo esse amorem, amorisque actum, notionalem & essentialē: quod pariter etiam de intellectione diuinā dicendum.*

Respondeatur negando consequentiam; nusquam enim docet S. Thomas. duplē in Deo esse actum

amoris; sed unum & eundem actum amoris dupliciter accipi, essentialiter & notionaliter. Neque id tamen pariter de intellectione, iuxta eundem accipendum est; quando ead. q. 27. a. 1. disertè scribit, in diuinis intelligere solum essentialiter dicit.

Quod ut intelligatur, notandum est ex eodem ibidem, discrimen esse quoad hoc, inter intellectum & voluntatem, non secundum rem, est enim in re eadem prop̄atio, ut dictum; sed quoad voces, quibus res significatur. Nam respectu intellectus, dantur nomina, seu voces distinctae, ad significandum formaliter, vel ipsum actum intellectus secundum se & absoluē, ut est sapientem, & intelligentem esse, &c; iuxta eundem, etiam ipsum intelligere; vel actum producendum per intellectum, ut dicere; vel ipsum terminum ipsius productionis, scilicet verbum: in voluntate autem, ob defectum nominis, uno & eodem vocabulo amoris seu dilectionis, significatur tam actus voluntatis ut sic, quam productio, & terminus productionis. Quo fit, ut sapientem ac intelligentem esse, (sicut etiam sapere & intelligere, si secundum se accipiat, ut dictum) cum ut sic formaliter nec intellectualem productionem dicant, nec terminum productum, recte solum essentialiter in diuinis dici afferatur; ut verò amare seu amor, quia non solum actus ut sic communem omnibus personis significat, sed etiam ipsam productionem per voluntatem, eiusque terminum, hinc fit, ut non solum sumatur essentialiter, sed etiam notionaliter, tam pro spiratione actua, quam palliuia, qui est Spiritus sanctus, ut videbimus. Et hic est sensus S. Thomas; non autem quod duplex sit actus amoris in Deo, unus essentialis, alter notionalis, ut bene etiam expposito Suarez cit. cap. 7. num. 12. Quia tamen non obstant, quod minus intelligere, cum addito, prout nimis umbras in patre, seu prout relationem paternitatis adiungat habet, sic & dicatur ipsa productio verbi, ut dicitur dubio sequenti.

Obijicitur secundo. Si propterea intelligere & amare in patre habet rationem generandi aut spirandi adiunctam, quia est in patre ante omnem productionem, sequitur etiam Deum, seu essentiam diuinam, ut sic formaliter, generare aut spirare: quod tamen damnatur capit. *Damnamus, de summa Trinitate, & fide Catholica.* Ita obijicit Molina loco citato.

Respondeo negando sequelam. Quia licet intelligere sit in diuina essentia ante productionem: non tamen est in ipsa, ut in persona formaliter; cuius solius est producere, ut ex fide constat; quae proinde etiam conditio, præter alias, ex parte subiecta producendum necessariō requiritur.

Obijicitur tertio. Intellectio quatenus intellectio, cum si proper se, non est productio termini; sed dictio est productio termini, nempe verbi: Ergo dictio non est intellectio. Hoc argumento etiam usus est Scotus pro sua sententia.

Pro solutione notandum, discrimen aliquod esse inter intellectionein, seu productionem verbi creatam, & increatam. Nam intellectio ex veriori sententia, in nobis formaliter est qualitas in facto esse, adeoque ipsum verbum mentis; identice autem & materialiter est actio seu productio verbi;

sive potius ipsa productio verbi, materialiter est intellectio, ipsumque verbum mentis; sicut omnisatio realiter identificatur cum suo termino: in diuinis autem intellectio concipiatur quidem per modum perfectionis absoluta & essentialis, quæ etiam secundum se, non minus quam ipsa essentialia diuina, cum verbo eiusque productione identificatur, ex dictis questione. 1. dub. 7. ac vero formaliter & secundum nostrum concipiendi modum, non est ipsum verbum productum; nec, si secundum se solum spectetur, activa productio verbi; sed perfectio absolute, ratione prior, ut dictum: eo modo, quo absolute & essentialia in diuinis ratione priora sunt relativus & personalibus. Habet tamen rationem productionis, seu processio- nis actus, prout simul formaliter adiunctam habet relationem ad verbum: ut quidem habet, prout est in solo patre, non in alijs personis, ob rationem superius dictam.

Qua ratione ipsa etiam productio, seu origo actiua verbi, nec est sola intellectio absolute, nec sola relatio, sed utrumque simul includit; ita ut ob hanc causam etiam ab origine seu processione passua realiter distinguitur; prout uniuersum notionalis actio, & quasi passio, in diuinis realiter differunt; ut quæst. 3. dicimus. Cur autem intellectio in diuinis, etiam prout concipiatur in esse perfecto, non sit formaliter verbum ipsum productum per actionem intelligendi ratio est, quia verbum in diuinis est persona subsistens & distincta a patre eam per intellectiōem producente; est ergo ratione posterior intellectiōem, etiam in esse perfecto; cum intellectio communis & absolute in Deo, sive in patre, qua producitur filius, non possit non esse etiam formaliter, & in suo genere summa perfecta.

Hoc posito, ad argumentum respondet, intellectiōem saltem materialiter & realiter, tam in nobis, quam in Deo esse productionem seu dictiōem verbi; sed diversa ratione, ut dictum: esti formaliter intellectio ut sic, si secundum se præcisè sumatur, nec in nobis, nec in Deo sit productio verbi. Ex quo si, intellectiōem & dictiōem non esse duas actiones inter se distinctas, nec subordinatas, sed potius re ipsa unam esse actionem, unumque actum, qui prout est in facto esse, est, & vocatur in nobis intellectio, seu verbum mentis; prout autem est in fieri, est ipsa dictio seu productio verbi. Ad quem ferè modum etiam ad hoc argumentum respondet Vasquez disput. 112. cap. 4. vbi recte annotat, non posse plenam similitudinem deduci ex nostro intellectu, ut intelligamus æterni verbi productionem: hæc enim peculiare illud habet, ut simul sit productio verbi, & intellectio eius, quod producit; nostra vero intellectio est verbum ipsum, quo formaliter intelligimus non ipsum verbum, quod producimus, sed quo intelligimus rem aliam, qua intellectui verbum producenti obiicitur. Plura de hac re cit. quæst. 3. vbi de originibus differetur.

DVBIVM IV.

Sitne in diuinis actus intelligendi & amandi principium Quo producendi personas; an ipsa productio.

S. Thom. I. p. q. 27. a. 1.

Dicitum est dub. 2. contra Durandum, personas diuinas procedere per intellectum & voluntatem; rursum contra Henricum & Scotum dub. 3. probauimus, easdem personas intelligendo & amando produci; quod cum duplicitate fieri possit, vel ut actus intelligendi & amandi tantum sit principium Quo, seu quasi virtus actus producendi personas; vel ut sit ipsa productio; explicandum restat hoc dubio, viro nam ex his duobus modis determinatæ actus illi se habeant ad productionem personarum: quandoquidem etiæ obiter quandoque insinuatum est hactenus, actus illos esse ipsas productiones personarum, id tamen non est ex instituto definitum & explicatum; quod cum inter Scholasticos Doctores admodum sit controversum, in primis etiam explicatione indiget.

Sunt enim hac de re duæ sententiae opposita. Prima ait, actum intelligendi & amandi solum esse principium Quo producendi personas; sicut potentia animæ est principium Quo operationis animasticæ; aut sicut calor in calcinante est principium Quo calefactionis. Ita docet Henricus Gundauensis quodlib. 6. quæst. 1. quem sequuntur Suarez lib. 1. cap. 8. num. 2. & Albertinus tom. 2. predic. ad aliquid, corollar. seu quæst. 1. 2. dub. 2. vbi etiam in parte distinguunt ratione duplē actionem, unam absolute, quæ filio communicatur ipsum intelligere; alteram relativam, qua producitur relatio Filiationis, &c. Similque supponit, generationem actuam identificari non cum patre, sed cum filio; quod quæst. seq. dub. 5. refellimus. Rationes possimmois huius sententiae inferius adducemus & soluemus.

Etenim opposita sententia, ut communior, ita verior videtur, nimis in Deo patre ipsam intellectiōem, seu actum intelligendi, esse dictiōem & productionem verbi, non solum identicē, sed etiam formaliter; ita saltem ut intellectio ipsa, prout est in parte, adiunctam habeat formalem rationem dictiōis; hæcque in trinfecte includat etiam ipsam intellectiōem. Ita docent Magister in t. distinet. 2. 6. Richardus in t. distinet. 2. 7 artic. 1. Hispanensis distinet. 3. art. 3. Capreolus dist. 9. quæst. 1. & supponit Caietanus hic quæst. 2. 7. artic. 5. & ex instituto tenuerunt Torres quæst. 2. 7. artic. 5. disput. vnic. part. 3. Gregorius de Valentia hic quæst. 1. punct. 3. Vasquez disput. 111. cap. 2. & disput. 112. cap. 3. & Molina quæst. 2. 7. art. 1. disput. 8. memb. 4. ad 4. vbi aper- te ait, intellectum per intellectiōem producere verbum, tanquam per actionem, quæ est ipsam verbi productio, non vero tanquam per principium efficiens. Nec obstat, quod infra artic. 5. disput. 2. contra Torrem dis-

Aaa

reis